

ՄԻՍԱԿ ՄԵՇԱՐԵՆՑԻ ՌԵՍՈՒՄԱՌԱՌՈՒԹՅՈՒՆԸ

Բանասիր. գիտ. դոկտոր Ա. Ս. ՇԱՐՈՒՐՅԱՆ

Հայ նոր քնարերգության ամենահմայիչ դեմքերից մեկի՝ Միսաք Մեծարենցի (1886—1903) կյանքի ու գործունեության, ինչպես նաև ստեղծագործությունների հավաքման, հրատարակման և ուսումնասիրության բնագավառում անուրանալի ծառայություններ ունի սփյուռքահայ բանասեր ու բանաստեղծ Թորոս Աղատյանը (1893—1955): Մասնավորաբար, 1922-ին տպագրված նրա «Միսաք Մեծարենց (իր կյանքը)» երկասիրությունը ցարդ մնում է մեծ գրողի կենսագրության միակ և շատ կողմերով ամենահուսալի աղբյուրը: Այսօր էլ, ավելի քան կես դար անց, Մեծարենցի կյանքի ու ստեղծագործության ամեն մի բարեխիղճ ուսումնասիրող կարող է կրկնել այդ աշխատության գրախոսներից մեկի՝ Սիմեոն Հակոբյանի խոսքերը. «Շնորհակալ լինենք պ. Թորոս Աղատյանին, որ իր գրքույկով մեր ժամանակի ընթերցողին գեթ որոշ միջոց կապում է Բիւկյանի վաղամեռիկ բանաստեղծի կյանքի հետ»¹:

Սա բնավ չի նշանակում, թե Մեծարենցի կենսագրության այդ անդրանիկ փութում առաջադրված ու լուծված են բոլոր հարցերը: Այդ աշխատանքը գրողի գիտական կենսագրության ստեղծման ճանապարհին առաջին քայլն է: Բնորոշ է, որ ինքը՝ Թ. Աղատյանը տարիներ հետո խոստովանել է, որ ոչ միայն անհրաժեշտ է հրատարակել «ամբողջական հավաքածուն անոր (Մեծարենցի—Ա. Շ.) գրչի արտագրություններուն», հավաքել «դեռ ցանուցիր, մոռցված նշխարները», այլև լույս ընծայել «նոր, անգիր դրվագներով, դասակիցներու և ժամանակակիցներու պատմածներով ու վկայություններով ճոխացած անոր ընդարձակ կենսագրությունը»²: Ուղում ենք նշել, որ բանասերն սկսել էր այդ շնորհակալ դործը, բայց վերահաս մահը խանգարեց, և նրա հայթաթած ուշագրավ շատ փաստեր մնացին ուսումնասիրողներին անծանոթ³:

Ներկա հոդվածում փորձ է արվում համակողմանիորեն ներկայացնել Մեծարենցի ուսումնառության պատկերը: Ջանացել ենք ոչ միայն ճշգրտել փաստական առանձին սխալներ, այլև գրողին շմեկուսացնել դպրոցական միջավայրից (ընդհանուր առմամբ տարբեր հաստատություններում նա սովորել է 12 տարի), օգտվելով դասընկերների և մտերիմների հիշողություններից ու այլ

¹ Ս. Հ., Գրախոսական, «Միսաք Մեծարենց», «Արեգ», Բեռլին, 1923, № 6, էջ 379:

² Թ. Աղատյան, Մ. Մեծարենցի մահվան 45-րդ տարին, «Աստղաբերդ», Իսթանպուլ, 1958, № 4—6 (28—30), էջ 50:

³ Ե. Ջարենցի անվան գրականության և արվեստի թանգարանի (ԳԱԹ) Թ. Աղատյանի արխիվում պահվում են ապագա աշխատանքին վերաբերող զանազան նյութեր: Դրանց մեջ խիստ հետաքրքիր են Մեծարենցի աղգական Ջարմայր Մեծատուրյանի հուշերը, ինչպես նաև դասընկերների հիշողությունների սեպիր գրառումները: Այդ նյութերը մասամբ հրատարակել ենք մենք (տե՛ս «Սովետական գրականություն», 1978, № 3, էջ 132—140 և «Հայրենիքի ձայն», 1977, № 48):

նյութերից, հուսիս նրա առաջադիմության, հակումների, աշակերտական դոր-
ծունեության մասին, նորովի լուսաբանել գրական սկզբնավորման խնդիրը:

Միսաք Մեծարենցը (Մեծատուրյան) սկզբնական կրթությունը ստացել է
իր ծննդավայրում՝ Խարբերդի նահանգի (վիլայեթ) համանուն զավառի (սան-
ճագ) Լեկնա գավառակի (գաղա) Բինկյան (Բենկա, Բինկա, Բենկյան) դյու-
ղում: Ծնորհիվ աշխարհագրական նույնատեղի դիրքի (շրջապատված էր տն-
մատչելի լեռներով և Արածանի գետով), Բինկյանը երկար տարիներ ապահով-
ված է եղել ասպատակություններից, ապրել է խաղաղ ու բարեկեցիկ կյան-
քով, իսկ բնակիչները հնարավորություն են ունեցել ավելի շատ ուշադրու-
թյուն դարձնելու կրթական գործին: Արդեն անցյալ դարի 40-ական թթ. գյու-
ղում գործել են Մեսրոպյան արական, իսկ ավելի ուշ նաև Նունյան իգական
վարժարանները⁴, որտեղ դասավանդվել են հայերեն, թուրքերեն, ֆրանսերեն,
կրոն, պատմություն, աշխարհագրություն, թվաբանություն, բնագիտություն,
երաժշտություն և մարմնամարզություն: Մեծարենցի ծննդյան տարում (1886)
ուսուցչական կազմը բաղկացած է եղել հինգ մարդուց: Մեսրոպյան վար-
ժարանը եռահարկ էր, ուներ ընթերցասրահ, ուր «կը գտնվեին հայերեն լրա-
գիրներ և հանդեսներ»⁵:

Բանաստեղծի հոր՝ Մեծատուրյանների և մոր՝ Ավագյանների գերդաս-
տանները Բինկյանում հեղինակություն են վայելել: Նրանցից շատերը ստա-
ցել են լուրջ կրթություն և մասնակցել հանրային գործերին: Գրողի հորեղ-
բայրը՝ Պաղտիկը, օրինակ, 1884-ին Բինկյանի գյուղապետն (մյուղիր) էր,
աղգականներից Գարեգին Մեծատուրյանը բարձրագույն երկրագործական
կրթություն էր ստացել Փարիզում, մեր դարասկզբին հիմնել էր «Գութան»
հանդեսը, ուրիշները տարբեր ժամանակներում վարել են տեղի վարժարանի
տեսչի պաշտոնը: Մասնավորապես, Մեսրոպյան վարժարանի տեսուչ Աստ-
վածատուր Մեծատուրյանը 1869-ին գյուղում ստեղծել էր «Սանուց ընկերու-
թյունը»՝ նպատակ հետապնդելով հարստացնել դպրոցական գրադարանը: Ըն-
կերությունը գոյատևել է մինչև 1884 թ. և վարժարանի համար ձեռք է բերել
թե՛ ուսումնական ու ընթերցանության գրքեր, թե՛ գրենական պիտույքներ⁶:
Մեծարենցի ավագ եղբայր Գևորգ Մեծատուրյանը Բինկյանի վարժարանի
ավարտելուց հետո կրթությունը նախ շարունակել է Կ. Պոլսում, Հակոբ Գուր-
գենի «Հայկական կրթարանում», ապա վերջացրել օսմանյան իրավաբանա-
կան համալսարանը և 1891-ից հաստատվելով Սեբաստիայում, աշխատել է
իրրև փաստաբան և ծավալել հանրային բեղմնավոր գործունեություն⁷: Գրողի
պապը (մոր կողմից)՝ Դաուպար Ավագյան Բինկյանցին, նույնպես կիրթ ու
ուսումնասեր մարդ էր: 1863-ին Կ. Պոլսում հրատարակել էր «Սաստ մոլու-
թյանց» բարոյախրատական ոտանավորների ժողովածուն (նախատեսված

⁴ Գ. Ե. Բ. Գ. Արսլանյան, Ժիրայր, Կ. Պոլիս, 1911, էջ 19:

⁵ «Ակն և ակնցիք», նախաձեռնեց և հավաքեց Առաքել Քեչյան, աշխատասիրեց, դասա-
վորեց և խմբագրեց Մկրտիչ Պարսամյան, Փարիզ, 1952, էջ 108: Բինկյանի վարժարաններին
և ուսուցիչներին վերաբերող տեղեկությունները հիմնականում բաղել ենք այս աշխատություն-
ներից:

⁶ Ը. Ե. Ս. Պոլսյան, Պատմություն հայ մշակութային ընկերություններու, «Հանդես
ամսօրյա», Վիեննա, 1965, №№ 10—12, էջ 102—103:

⁷ Տե՛ս Գ. Մեծատուրյան, Հրաժեշտ, «Սնդրանիկ», գավառական լրագիր, Սեբաս-
տիա, 1909, № 38:

մանուկների համար), իսկ գյուղում ուներ անձնական ձոխ գրադարան, որ հայտնի էր «Ավզենց գրադարան» անվամբ⁸:

Մինչև դպրոց հաճախելը Միսաքը «կրթվել» է նման մարդկանց շրջապատում, նրա առաջին «ուսուցիչները» եղել են գյուղական մամիկները, որոնք, հատկապես ձմեռվա երեկոներին, հավաքվում էին Մեծատուրյանների ընդարձակ տանը, պատմում հեքիաթներ, երգում Ակնա անտունիներ: Զարմայր Մեծատուրյանը հիշում է. «Միսաք ալ շատ կ'ախորժեր հեքիաթներն, մին էր անոնցմե, որ թախանձագին կը խնդրեին, կ'ստիպեին հեքիաթ մ'ըսել... Միսաք աչք-ականջ կտրած մտիկ կ'ընէր... Այդ պատմութիւնները, ով գիտէ քանի անգամ կրկնված, զոց կը սորվեր, ու երբ դարձյալ մամիկը դանոնք պատմելու ատեն սխալ մ'ընէր կամ պատմվածքին կարգը շրջեր, կը միջամտեր, կ'ուղղեր»⁹:

«Հագիվ վեց տարեկան», Միսաքին տալիս են Մեսրոպյան վարժարանը: Ըստ կենսագրի, ապագա բանաստեղծը ունենալով «երազկոտ, հեզիկ ու լուռ» բնավորութիւն, դասերի ժամանակ իրեն պահել է կռիւնդով, դժվարացել հստակ արտահայտելու մտքերը, գերադասել է ավելի շատ լուել. քան պատասխանել: «Դպրոցին տնօրէն Հարութիւն Տիրատուրյան և ուսուցիչ Զարեհ Գասյան (Տ. Պետրոս Ա. քհն.) վերջապես կը հարկադրվին ծնողքին հայտարարել Միսաքի ծուլը, անընդունակ ու հետզհետե ապուշ աշակերտ մը դառնալը: Միսաք կարծես դասերը պատրաստելէ ավելի հաճույք կը զգա ու կը նախընտրէ կատարել տրված գրավոր ծանր պատիժները իր ծուլութեան համար: Այդ անհատնում ընդօրինակութիւնները պահանջված ժամանակին հասցնելու գերագույն ձիգը տառապանքէ ավելի բան մը կ'ըլլա իրեն համար»¹⁰:

Այս պնդումները բացատրութեան ու ձգորտման կարիք ունեն:

Ճշմարիտ է, որ վարժարանում Միսաքն իր ընդունակութիւններով չի փայլել: Զ. Մեծատուրյանը Մեծարենցի «մանկութեան շրջանին ընդունակութեան և աշխատասիրութեան մասին» ուսուցիչների բացասական կարծիքը համարել է «սխալ ու անարդարացի» և պարզաբանել է. «Հ. Տիրատուրյան, Սանասարյան շրջանավարտ, երբ Բինկյանի վարժարանին տնօրինութիւնը կ'ստանձնէ, աշակերտական հին կարգերը կը լուծէ, դասարանական դրութիւն մը կը հաստատէ և առանց նկատի առնելու աշակերտներու տարիքի և ուսման աստիճաններու տարբերութիւնները, ավելի ու պակաս տարիքավորներով դասարան կը կազմէ: Փոքրերը, բնականաբար, մեծերու հետ դժվարավ կը հետևին դասերու, այդ պատճառով ալ խստութիւններու և պատիժներու կը ենթարկվին: Միսաքն ալ այդ անմիտ կարգադրութեան զոհերէն մին եղած է»¹¹:

Մեսրոպյան վարժարանում Մեծարենցի ուսումնառութեան վերաբերյալ հետաքրքիր տեղեկութիւններ է հաղորդում նրա աղգական և մանկութեան

⁸ Տէ'ս Գևորգ արքեպ. Արսլանյան, Միսաք Մեծարենցի հիշատակին. Հսկումը, «Նոր լուր», Կ. Պոլիս, 1934, № 4936:

⁹ «Սովետական գրականութիւն», 1978, № 3, էջ 136:

¹⁰ Թորոս Մ. Աղատյան, Միսաք Մեծարենց (իր կյանքը), հատ. 1, Կ. Պոլիս, 1922, էջ 8—9:

¹¹ «Սովետական գրականութիւն», 1978, № 3, էջ 133: Զ. Տիրատուրյանը (1872—1896) Կարինի Սանասարյան վարժարանն ավարտել է 1891-ին, իսկ Բինկյանի դպրոցում տեսուչ է աշխատել 1894—1895 թթ. (տէ'ս Ակն և ակնցիք, էջ 109):

րնկեր Վ. Արսլանյանը (Պրիսմաք): Վերջինս լինելով Մեծարենցի դասակիցը. հաստատում է, որ «ծաղկոցից մինչև ավարտական կարգ» իրենց կրթությանն ու դարգացմանը Ձ. Դասյանի ու Հ. Տիրատուրյանի հետ հետևել է նաև բժիշկ Հաճի Մելքոնը: «Դպրոցին մեջ,— պատմում է նա,— ծաղկոցը, երբ էշելմեկը վզնեքուս անցուցած, ժամուն կողեն դպրոց կը բարձրանայինք, մեղի ամենեն սարսափ ազդող դեմքը Հաճի Մելքոնն էր: Ծաղկոցին մեջ գրասեղաններուն վրա դողդղալեն նստած՝ սարսափով կը նայեինք իր ծաղկոտած դեմքին, թավ պեխերուն ու ձեռքերուն մեջ ճոճացող գավազանին. անոր ազդած արհավիրքը այնքան աչքառու էր, որ տունը գեղեցկորեն սահուն կերպով արտասանած Ա, Բ, Դ-ի ճանաչողությունը անգամ կը մոռնայինք սև գրատախտակին առջև դասի համար հասակ ձգած ատեննիս. և այդ երկշտուրթենեն, այդ սարսափենն գիծ մը մնացեր էր դեռ պատանեկան մեր տարիքին մեջ ալ, շատ աղեկ կը հիշեմ»: Պատիժների սիրահար է եղել նաև մայրենի լեզվի, թվաբանության ու գրավարժության ուսուցիչ Հ. Դասյանը (մ.ճ. 1915-ին), որը «ահարկու տպավորություն թողած էր իր ապտակելու շուտիկ, արագ և ընդունակ կարողությունով»¹²:

Վ. Արսլանյանը հավաստում է, որ իրեն ու Միսաքին պատժել են ոչ միայն ծուլանալու, այլև... դասերից փախչելու համար: Նա հիշում է, թե ինչպես են լքել դասերը, դնացել թուզ ուտելու կամ ձուկ բռնելու: Իմանալով այդ մասին, ուսուցիչները ստիպել են դասերից հետո մնալ դպրոցում և երկու ժամ զբաղվել գրավարժությամբ:

Թ. Ազատյանի հաղորդմամբ, Միսաքը ծննդավայրում ուսանել է երկու տարի և 1894-ին մեկնել Սեբաստիա: Բայց նրա «դպրոցական շրջանը» չէր կարող ավարտված լինել այդ տարում, քանի որ, ինչպես հաստատում են թե՛ Ձ. Մեծատուրյանը, թե՛ Վ. Արսլանյանը, պատանին գյուղից հեռացել է Բինկյանի վրա հարձակման առաջին փորձից հետո, իսկ դա տեղի է ունեցել 1895 թ. հոկտեմբերի 27-ին:

Սեբաստիայում Մեծարենցի ուսումնասիրության վերաբերյալ տեղեկությունները շատ սուղ են: Այստեղ նա չի սովորել Արամյան ազգային վարժարանում, ինչպես գրել է Թ. Ազատյանը, այլ «Սահակ էֆ. Սերայտարյանի վարժարանում» («Սահակյան»), որի վիճակն ավելի բարվոք էր, քան Արամյանինը, և Ձ. Մեծատուրյանի վկայությամբ դասերին «կը հետևի ուշադրությամբ»՝ փաթատելով «կարծեցյալ անընդունակության» մասին կասկածները¹³: Ասենք նաև, որ այս դպրոցը 1888-ին ունեցել է 100 աշակերտ, դասավանդվել է շորս լեզու¹⁴:

Մեծարենցը ուսումը շարունակել է Մարզվանի «Անատոլիա» ամերիկյան կոլեջում¹⁵: Այս հաստատությունը բացվել էր 1886 թ. սեպտեմբերին՝ ստեղծ-

¹² Վահան Արսլանյան, Միսաք Մեծարենց, գիծեր իր կյանքեն, ԳԱԹ, Մ. Մեծարենցի ֆոնդ, № 313/5, էջ 29:

¹³ «Սովետական գրականություն», 1978, N 3, էջ 136:

¹⁴ Տե՛ս «Պատմագիրք հուշամատյան Սեբաստիո և գավառի հայության», կազմեց Առաքել Ն. Պատրիկ, հատ. Ա, Պեյրոթ, 1974, էջ 463:

¹⁵ Կոլեջի և նրա ուսուցիչների մասին տվյալները վերցրել ենք հետևյալ աղբյուրներից. Ավետիսիս Ս. Տարագճյան, Մարզվանի հայ ավետարանական ժողովուրդը, Պեյրոթ, 1960: Ա. Կ. Կյուլպենկյան, Կենսագրություն բրոֆ. Կարապետ Թումայանի, ուսուցչապետ Անաթոլիա գոյեճի ի Մարզվան, Նյու Յորք, 1930: Ա. Կ. Կյուլպենկյան, Վեր-

վերադարձվեց Պոլսից Մարզվան տեղափոխված աստվածաբանական ճեմարանի հիման վրա: Հիմնադիր ու տնօրեն Կարոլոս Զ. Ռրեյսին (1838—1917) ունեւր «քաջ հայագետի» համարում: Ուսման տեղությունը շորս տարի էր: Կրտսեր-րագուն, կրտսեր, երեց և երիցագուն կարգերին հետադաշում ավելացվել են նախապատրաստական երկու դասարան: Կոլեջում դասավանդել են հայերեն, թուրքերեն, անգլերեն, ֆրանսերեն ու գերմաներեն, ինչպես նաև կրոն, պատմություն, փիլիսոփայություն, աշխարհագրություն, մաթեմատիկա, աստղագիտություն, քիմիա, անատոմիա, գեղարվեստ ու երաժշտություն: Աշակերտներին տրվում էր հիմնավոր կրթություն, ուսուցիչների ճնշող մեծամասնությունը հայ էր, սաներին չէր արգելվում հայկական եկեղեցի հաճախել¹⁶: Ահա ինչու Գեորգ Մեծատուրյանը եղբոր համար կրթության էր ընտրել Անատոլիա կոլեջը (չմոռանանք նաև, որ Մարզվանը մտնում էր Սեբաստիայի կուսակալություն մեջ, և այստեղ, հատկապես 1895—1896 թթ. կոտորածներից հետո, բինկյանցի ընտանիքներ էին ապաստանել):

Երբ է սկսվել Մեծարենցի ուսումնառությունը Մարզվանում: Այս հարցում հետազոտողներն ու հուշագիրները տարամիտվում են: Կենսագիրը հայտնում է, որ «Միսաք 10—11 տարեկան էր տակավին», երբ ընդունվել է կոլեջ, ընդ որում «ընդունելության պայմանները լրացնելու համար» «12 տարեկան ցույց կը տրվի», որ երեք տարի ուսանելուց հետո, «նախապատրաստական շրջանը հաղիվ ավարտած, 1901-ի արձակուրդին կուգա Սվազ և ալ շվերադառնար»¹⁷: Եթե գրողն իրոք կոլեջի սան է դարձել 1896 կամ 1897 թթ., ապա նա պետք է հեռացած լիներ 1899-ին կամ 1900-ին, մի բան, որ չի հաստատվում հենց Բ. Ազատյանի փաստարկմամբ: Վ. Արսլանյանը ևս որոշակի պատասխան չի տալիս և նշում է միայն, որ Մեծարենցը Մարզվան է մեկնել Սեբաստիա տեղափոխվելուց մի բանի տարի հետո: Զ. Մեծատուրյանը այդ տարեթիվն է համարում 1897-ը, իսկ Վ. Նարյանը պնդել է թե «Մեծարենց 1899-ի շրջանին ամերիկյան գոլենձը աշակերտության կուգար»: Իվում է, որ այս վերջին կարծիքը ընդունելի պետք է լիներ, քանի որ հեղինակը (հետագայում Տրապիզոնում հրատարակվող «Փեթակ» հանդեսի խմբագիրն էր) ոչ միայն Մեծարենցի դասակիցն էր կոլեջում, այլև իր հուշերը հրատարակել էր բանաստեղծի կենդանության օրոք¹⁸: Այս խնդրում համերաշխ են բոլոր հուշագիրները. եթե Մեծարենցը Մարզվանում մնացել է երեք տարի և 1901 թ. արձակուրդներին (կոլեջում դրանք տրվում էին հուլիս-օգոստոս ամիսներին) դնացել Սեբաստիա, ապա պարզագույն հաշվումներով նա կոլեջում ուսանել է 1898-ից:

Չալոյսի խոհեր, Նյու Յորք, 1934 (ՏՏ. Կ. Զ. Ռրեյսի հոգովածը), «Նոր ալգ», հանդես, Մարզվան, 1910:

16 Ի դեպ, Կ. Պոլսի «Բյուզանդիոն» թերթում տպագրված թղթակցություններից (1899, № 836) մեկի հեղինակը (Լ. Պ.) գրում է, թե «Իոլենին մեջ Տնօրենությունը ցույց տված է, թե հետին աստիճան կը հարգե Հայ-Լուսավորչական ուսանողաց կրոնական զգացումները», իսկ «Արևելքի» եվրոպացի թղթակից Զ. Գ.-ն վստահեցնում է, որ հայ ուսուցիչներին շնորհիվ «Գոլենի» հայ աշակերտներուն օտարոտի կամ ամերիկյան դաստիարակություն մը չլ, որ կը տրվի» (1900, № 4228):

17 Բ. Ազատյան, նշվ. աշխ., էջ 11, 12:

18 Վառնա Նարյան, Միսաք Մեծարենց և իր «միածան»-ը (հիշատակներ), «Փոփոխ», Կ. Պոլիս, 1907, թիվ 5, էջ 77:

Մարզվանում Մեծարենցի ուսումնառության երեք տարիները համընկան կոլեջի գործունեության խաղաղ ու արդասավոր շրջանին։ Ետևում էր մնացել 1893-ի ձմեռը, երբ թուրքական իշխանությունները շինծու մեղադրանքով ձերբակալել և կախաղանի էին դատապարտել (այդ վճիռը փոխարինվեց վտարումով) «ուսուցչական կաճառի» նախագահ, պատմության և փիլիսոփայության դասախոս Կարապետ Թումայանին (1852—1939) և հայոց լեզվի ու գրականության ուսուցիչ Հովհաննես Դայալյանին (1864—1934), ասես մոռացվել էր 1895 թ. նոյեմբերի 15-ը, երբ ջարդարարները Մարզվանի հայոց թաղերն ավերելուց և 125 հայ սպանելուց հետո հարձակվել էին նաև կոլեջի վրա։ Աստիճանաբար կյանքը հունի մեջ էր մտնում։ Իր գործունեությունը վերսկսեց 1888-ին կազմակերպված հայ ուսանողների «Դրական միությունը», որի աշխատանքները զլխավորում էր թուրքերենի դասախոս, լեզվաբան Հովհաննես Հակոբյանը, երաժշտության և գեղարվեստի դասատու Արշակ Տաղլյանի ջանքերով ստեղծվեց նվագախումբ, նորից կազմակերպվում էին ղեկուցումներ, բեմադրվում թատերական ներկայացումներ։ Մեծարենցը մասնակցել է այդ միջոցառումներին, հատկապես «Դրական միության» հանդեսներին և, ինչպես պարզել է Թ. Ալատյանը, Վոլտերի «Ալլիր» թատերախաղում կատարել համանուն հերոսուհու դերը։ Բնշ վերաբերում է առաջադիմությանը, ապա Զ. Մեծատուրյանի վկայմամբ «հաջողակ է առհասարակ բոլոր դասերուն մեջ։ Աչքառու ընդունակության հարմարություն ցույց կուտա անգլ. լեզվի և անոր դժվարին հնչմունքներու առողանության մեջ։ Հետամուտ է հայերենի դարգացման, որուն կը նպաստեն հայերենի ուսուցիչ Ավետիս Կյուլպինյանի դասերը և գրական զրույցները»¹⁹։ Հուշագրողի մի ակնարկից կարելի է եզրակացնել, թե գրողը ի՞նչ վերաբերմունք է ունեցել կոլեջի իր ուսուցիչների հանդեպ։ Վերհիշելով Սեբաստիայից (1901-ից հետո) իրեն ուղղված ընկերոջ նամակների բովանդակությունը, Վ. Արսլանյանը հաստատում է. «Ան իր նամակներու մեջ կը ներկայացներ գրանկարները գոլեճի պրոֆեսորներեն Սիվալլյանի (դասավանդել է մաթեմատիկա—Ա. Շ.) և Հակոբյանի, երկու աչքառու տիպարներ, մինչ խորշանք կ'զգար Մանիսաճյանեն (դասավանդել է բնական գիտություններ—Ա. Շ.), որուն հանդեպ ամեն ուսանող բնադրական ատելանք մը կը սնուցաներ մեր օրերուն»²⁰։

Մարզվանում Մեծարենցը մտերմություն է հաստատել կոլեջի սաներ կեսարացի Մանուկ Խոշյանի (հետագայում առևտրական), շապինգարահիսարցի Գագիկ Օղանյանի (հետագայում բանասեր, մանկավարժ ու պատմաբան, նահատակվել է 1915-ին), մարզվանցիներ Գրիգոր Ազրլյանի, Հովհաննես Թումայանի (նահատակվել են 1915-ին) և այլոց հետ։ «Այս խմբակը,— հավաստում է Զ. Մեծատուրյանը,— արտասահմանն պաղտնիորեն Զոպանյանի «Անահիտ»-ը կ'ստանար կանոնավորապես ու կը կարդար»²¹։

Բայց մարզվանյան տարիները Մեծարենցի համար նշանակալի էին

19 «Սովետական գրականություն», 1978, N 3, էջ 137։

20 Վահան Արսլանյան, Միսաք Մեծարենց..., էջ 77։

21 «Սովետական գրականություն», 1978, N 3, էջ 137։ Վ. Արսլանյանի պնդումով կոլեջում Մեծարենցի «ամենամտերիմ բարեկամն է եղել Վառվառյան ազգանվամբ մեկը, որ 1930-ական թթ. բժիշկ էր Աթենքում» (տե՛ս Վ. Արսլանյանի 1932 թ. ապրիլի 24-ի նամակը Վ. Ալատյանի և Վ. Նորենցին, ԳԱԹ, Մեծարենցի ֆոնդ, N 313/7, էջ 2)։ Մեզ չհաջողվեց այս անձնավորության մասին տեղեկություններ գտնել։

թերևս ամենից առաջ նրանով, որ նա Անաստուխ կոլեջում սկսեց իր ստեղծագործական նախափորձերը: Այս առթիվ չափազանց հետաքրքիր հուշեր է թողել Վ. Նարյանը. «Առաջին ամիսները տակավին նորեկ ու անվարժ ըլլալուն, միայն քաղքեցիներու շրջանակին մեջ կը սահմանափակվիր, բայց հետզհետե իր սրամտության պատճառով ճանչցվեցավ թե՛ աշակերտներեն, թե՛ ուսուցիչներեն. մանավանդ գրական բանաստեղծական քանի մը ինքնագիր փորձերի վերջ ամենեն սիրված էր: Այս տարիքին գրական արժանիք մը, կարողություն մը կը հուսադրեր, դասարանին մեջ գրիչը ձեռքը գիրքերուն: Կողքերը ոտանավորներով կը մրոտեր, նույնպես սերտարանին մեջ դասերը ձգելով, թուղթիկներու դեզը կը բանար ու կը գրեր շարունակ. խաղալ, խնդալ երբեք չուներ, միշտ առանձին, բակին մեջ, պատերուն տակը կը պտտեր ու երբ քիչ մը ձանձրանար՝ ննջարան կ'երթար քիչ մը անկողնին վրա երկննալու, հետո կ'ելլեր ու սև մատիտը ձեռքը՝ մահճակալին ետևի պատին վրա ժամերով կը շարժեր. ամեն կողմ սեցուցած էր: Քանի մը անգամ իր այս սովորության համար պատժվեցավ հրապարակավ, սակայն ան չէր հուսահատեր. քիչ մը կուլար ու ժամ մը վերջ սրբված պատին վրա նորեն երկու տող կը գրեր: Դասերու վրա որոշ ժամանակ մը հարեանցի, մեյմեկ անգամ կը նայեր ու անկե վերջ անոր համար այլևս գիրք ձեռք առնել չկար. այնպես դասարան կը մտներ ու կը հաջողեր»²²:

Ավելորդ չենք համարում վկայակոչել մի փաստ ևս: Թ. Ազատյանի արխիվում (հավելված, № 56) թղթի մի պատառիկի վրա գրված է. «Տքթ. Թրեյսի (տնօրեն). հեզ, շարի տղա մըն էր, ակնախոս. աշակերտական թերթ («Սոխակ»)»²³: 1900—01, ոտանավորներ կը գրեր խմորատիպ: Արձակ կը գրեր այն ատեն»²⁴: Ոչ մի կասկած, որ բանասերը գրառել է՝ գրողի դասընկերներից մեկի հաղորդած տեղեկությունները: Մերմեն, Մեծարենցը կոլեջում աշխատակցել է «Սոխակ» աշակերտական խմորատիպ թերթին, չափածո գործերի հետ հեղինակել նաև արձակ ստեղծագործություններ: Վ. Արսլանյանի խոստովանությամբ, 1902-ին երբ ինքը մեկնել է Մարզվան ուսանելու, «Գոլենճի շրջանակին մեջ Միսաք Մեծատուրյան գրական սիրուն անուն թողեր էր արդեն ու թերավարտ մեկնած անկե...»²⁵: Ու թեև Վ. Արսլանյանը հավատացնում է, թե «գոլենճ մեկնելու առաջ ան (Մեծարենցը—Ա. Ս.) չի մոռցավ իր ատելության մոտեցող խորշանը հայտնելու ինձի, առավելապես անոր կրոնաբույր տափակ մթնոլորտին ու կաշկանդումներին»²⁶, այնուամենայնիվ Մեծարենցի կյանքում Անաստուխ կոլեջում ուսումնառությունը երևույթ էր: Այս իմաստով լիովին արդարացի է Թ. Ազատյանը, երբ նկատում է. «...Մտքի կենսատու սնունդը կ'ստանա Մարզվան, ուր ընտանեկան միջավայրին հեռու կ'ընտելանա արտաքին կյանքի պայմաններու և իր ուշադրությունը ամբողջովին կը նվիրե ընդհանուր դարգացման... կը ծանոթանա անդլիական գրականության, կը կարդա հետաքրքրական վեպեր, թատերական ու բանաստեղծական երկիր ու կը փորձե թարգմանություններ ընել: Իր լուրջ ու կանոնավոր աշխատունիությունը գոլենճին կուղա, որ ուշագրավ կը դառնա Կեղրոնականի մեջ»²⁵:

22 «Փունյ», 1907, № 5, էջ 77—78:

23 Վ ա հ ա ն Արսլանյան, Միսաք Մեծարենց..., էջ 57:

24 Նույն տեղում, էջ 60:

25 Թ. Ազատյան, նշվ. աշխ., էջ 14—15:

Մեծարենցը Սեբաստիա վերադարձավ՝ պատրաստվելով մեկնել Կ. Պոլիս, ուր նրա հայրը՝ Կարապետը և հորեղբայրը՝ Պողոսը, գրեթե 15 տարի առաջ էին պանդխտել և սեղանավոր էին: Մինչ կհաղթահարվեին «անցագրային դժվարությունները», Մեծարենցը աշխատանքի է անցնում եղբոր՝ Սարգսի և հորեղբորորդու՝ Չլարդան Մեծատուրյանների վաճառատան Սեբաստիայի մասնաճյուղում որպես հսկիչ²⁶ և միայն մեկուկես տարի անց, 1902 թ. սեպտեմբերին, ճանապարհ ընկնում մայրաքաղաք:

Կ. Պոլսում Մեծատուրյանները հաստատվում են Ղալաթիա թաղում, ուր 1886-ից գործում էր նշանավոր Ազգային Կեդրոնական վարժարանը: 1896-ի ողբերգական դեպքերի ժամանակ վարժարանը փակվել էր, բայց հաջորդ տարում վերաբացվել՝ կրելով կազմակերպչական փոփոխություններ: Եթե մինչ այդ հաստատության տնօրեններ էին եղել պատրիարք Ներսես Վարժապետյանը, մշակութային ու կրթական գործիչներ Մինաս Չերազն ու Հարություն Մոստիշյանը, ապա քաղաքական ծանր պայմաններում սկսվեց «խնամակալության շրջանը»: Մինչև 1909 թ. տնօրենի պարտականությունները դրվեցին «ընդհանուր հսկող» Գառնիկ Բարունակյանի վրա, որը, ինչպես Ա. Ալպոյաճյանն է վկայում, «մանկավարժության համար հատուկ պատրաստություն մը չունենր և ոչ ալ փորձառություն դպրոցական գործին մեջ»²⁷: Հենց այս անձնավորության օրոք էլ, 1902 թ. աշնանից, Միսաք Մեծարենցին վիճակվեց դառնալ Կեդրոնականի սան (նրա աշակերտական համարն էր՝ 166):

Կեդրոնական վարժարանում Մեծարենցի առաջադիմության ու վարքի մասին ունենք վավերական տվյալներ՝ 1902—1903 և 1903—1904 տարիների նրա առաջադիմության «Վիճակացույցները»²⁸, որոնք հետաքրքիր դիտարկումների հնարավորություն են ընձեռում: Ուսումնական տարին տևել է 10 ամիս և բաժանվել երեք եռամսյա (սեպտեմբեր—հոկտեմբեր—նոյեմբեր, դեկտեմբեր—հունվար—փետրվար, մարտ—ապրիլ—մայիս) և մեկ միամսյա (հունիս) շրջանների: Գնահատման բարձրագույն նիշը («թիվ») «10»-ն էր: Յուրաքանչյուր շրջանից հետո առարկաները նախ գնահատվել են ըստ «դպրությունների» (սրա տակ հավանաբար նկատի են առնվել հումանիտար առարկաները) և «գիտությունների» (ճշգրիտ ու բնական գիտություններ), ապա արտածվել է «միջին թիվը», ինչպես նաև որոշվել ամեն մի աշակերտի առաջադիմությունը տվյալ դասարանի սովորողների մեջ: Այդ «Վիճակացույցներից» երևում է, որ Մեծարենցի առաջադիմությունը ամենամեծը քան շի եղել: Եթե նկատի ունենանք երկու տարվա գնահատականների «միջին թիվը», ապա այն կկազմի 5,84: Բայց դիտելի է մի օրինաչափություն. որպես կանոն նրա առաջադիմությունը «դպրություններից» ավելի բարձր է, քան «գիտություններից»: Առանձին դեպքերում այդ տարբերությունը ճշացող է (Բ կարգի երկրորդ եռամսյակում՝ 8,15 և 1,57), իսկ նրկու դասարանների տվյալներով համապատասխանաբար միջին թիվն է՝ 7,26 և 4,14: Մեծարենցը «թույլ» կամ «անընդունակ» չէր բնական ու ճշգրիտ գիտություններից. նա դրահաշվից վաստակել է «0» նիշ, բայց ցանկության դեպքում հասցրել է «7»-ի: Կարելի է

26 Թ. Աղատյանը կարծել է, թե Մեծարենցը զբաղվել է մանրաձվաձուր թլամբ (նշվ. աշխ. էջ 12):

27 Արշակ Ալպոյաճյան, Կեդրոնականի հիշատակներ (1895—1899), «Հանդես մշակութի», Ստամբուլ, 1953—1954, № 16—20, էջ 71:

28 ԳԱԹ, Մ. Մեծարենցի ֆոնդ, ԱՆ 313/19 և 313/20:

պնդել, որ այդ առարկաները նրա նախասիրությունը չէին: Իսկ «դպրություններում» հաճախ դրսևորվել է փալլուն առաջադիմություն՝ ստանալով «8» և ավելի նիշեր, նույնիսկ մի անգամ հայոց աշխարհագրությունից նրա գիտելիքները գնահատել են «10+»:

Փաստերը ցույց են տալիս նաև, որ վարժարանի տնօրենությունը սկզբնապես հույսեր է կապել Մեծարենցի հետ: Այդ է հաստատում Ա. կարգի «վիճակացույցի» առաջին եռամսյակի առթիվ «Դիտողություն» բաժնում Գ. Բարունակյանի գրառումը. «Գովելի վարք: Թեև ավելին կը սպասեինք ուսմանց մեջ, սակայն նկատելով որ ուշ սկսած է վարժարան գալ, կը հուսանք որ գալ եռամսեին մեջ հաջադիմություն կրնա ընել»: Նորեկ աշակերտը շարդարացրեց ընդհանուր հսկողի ակնկալիքը, և վերջինս հաջորդ եռամսյակում հարկադրված արձանագրել է. «Վարքը գովելի է: Այս եռամսեին մեջ աշխատությունը պակսած կը տեսնինք»:

Կեդրոնական վարժարանում Մեծարենցն ունեցել է նաև այլ հետաքրքրություններ: Ա. Ալպույաճյանը խոստովանել է, որ «դժնդակ պայմաններում» Գ. Բարունակյանը ստիպված է եղել «տեսակ մը ոստիկանի դեր կատարել: Շարունակ մեզի կը հետապնդեր, որպեսզի դուրսեն գիրքեր չբերենք դպրոց և ձեռագիր լրագիր հրատարակելու փորձեր չընենք»²⁹: Ու թեև Ալպույաճյանի ասածը վերաբերում է իր ուսումնառության շրջանին (1895—1899), բայց 1903—1905 թթ. նույնպես, երբ Մեծարենցը Կեդրոնականի աշակերտ էր, Գ. Բարունակյանը շարունակել է խստությունները: Այս առումով բնութագրական է Հ. Ճ. Սիրունու մի վկայությունը (նա ևս նույն տարիներին սովորել է Կեդրոնականում): Դպրոցը թողնելուց հետո, 1905-ին, երբ Մեծարենցը փորձել է հանդիպել իր դասընկերներին, «Գառնիկ Բարունակյանի—մեր ընդհանուր հսկողին—ակնարկեն կը վախնար ու կ'սպասեր վարը, որպեսզի իր ընկերները տեսնեն, երբ արձակվեին անոնք: Համիտի այդ դաժան տարիներուն՝ դպրոցին դուռները չէին բացվեր օրվան ընթացքին...»³⁰: Չնայած արգելքներին, «արտասահմանեն Պոլիս սպրդած դիրքերը և թերթերը կ'անցնեին ձեռքե ձեռք... Բացի պաշտոնական մատենադարանեն... դադունի գրադարան մը ևս կը պատցնեինք մեր գրպաններուն մեջ»³¹: Ավելին, դպրոցի պատերի ներսում կեդրոնականացիները ոչ միայն ծանոթանում էին օտար հրատարակություններին, այլև լույս էին ընծայում ձեռագիր պարբերականներ: Մեծարենցը, երբ արդեն Գ. կարգում էր, ինքն էլ նախաձեռնում է աշակերտական մի ձեռագիր երգիծաթերթի հրատարակությունը՝ այդ գործում ներգրավելով դասակիցներ Գառնիկ Թուղլաճյանին, որ դարձավ խմբագիր ու մանկավարժ և գրախոսեց Մեծարենցի բանաստեղծությունները (նահատակվել է 1915-ին), հետագայում ճանաչված նկարիչ ու արվեստաբան Ռաֆայել Շիշմանյանին և ուրիշներին: Այս մասին Բ. Ազատյանին պատմել է գրողի դասընկերներից մեկը, որի անունը բանասերը, ցավոք, չի հիշատակել. «Դ դասարանին աշակերտած ատեն,— գրում է նա,— երբ կ'աշխատակցեր գրական հանդեսներու, Մեծարենց «Քահ-բահ» անուն կրդիծաթերթի մը սկսավ հրապարակել դպրոցին մեջ:

²⁹ «Հանդես մշակույթի», 1953—1954, № 16—20, էջ 71—72:

³⁰ Հ. Ճ. Սիրունու, «...Այս հիվանդ, հաճախող պատանին», «Նաիրի», Բեյրութ, 1969, № 20:

³¹ Նույն տեղում, № 19:

խմբագիրն ինքն էր, իր ծրագրով կը պատրաստեր և օրինակն լույս կը տեսներ։ Երգիծական նկարները կը գծեր Ռաֆայել Շիշմանյան, գլխավոր աջակիցն էր Գառնիկ Թուղլաճյան, որ Սանասարյանին եկած էր։ Երգիծաթերթը ամեն մարդի հատուկ նյութեր կը պարունակելու։ Դիտավոր աշխատակիցը ինքն էր Մավաույ Միսաքան ծածկանունով և իր ստորագրությամբ։ Հոն կ'երևնային ոտանավորներ և արձակ գրություններ։ Ամեն բանն կը հասկնար և ամեն բանն հաճույք կ'ըզար։ Մեկն ավելի թիվեր խմբագրած ըլլալը կը հիշեմ»³²։ Մեկ ուրիշ դասակից՝ Վահրամ Պերպերյանը, որ դպրոցն ավարտելուց հետո զբաղվել է առևտրով, կենսագրին հայտնել է. «Քահ-քահ» երգիծաթերթը Մեծարենցի նախաձեռնությամբ իր ձեռագրով ու խմբագրությամբ—միայն մեկ օրինակ—ամիսը մեկ անգամ մը հրատարակ կ'ելլեր, Դասարանին թերթն էր։ Աշխատակիցները, որոնք իր դասակիցներն էին (իրմե դատ 12 աշակերտ), օր առաջ իրենց գրությունները կը հանձնէին Միսաքի, որ կ'ընդօրինակեր, կը դասավորեր ու լույս կ'ընծայեր։ Ան հոն կը կիրարկեր տաղաչափական նոր գրություն մը, զոր սրբագրեց հետո իր քերթվածներուն մեջ։ Գլխագրի թշնամի էր... Մեծարենց իր երգիծաթերթով վերի կարգի աշակերտության նախանձը կը գրգռեր։ Անոնք ալ կը գնահատէին իր բացառիկ կարողությունը։ «Քահ-քահ» 5 թիվ լույս տեսավ և ընդհատման պատճառը Միսաքի հիվանդությունը եղավ»³³։

Բժիշկների խորհրդով Միսաք Մեծարենցը Կեդրոնական վարժարանում ուսումնառությունը կիսատ թողեց 1905-ի փետրվարի վերջերից։ Բայց անտեղ անցկացրած տարիներն անհետևանք չեղան։ Հենց Կեդրոնականում էր, որ, 1903-ի դարնանը, Սեբաստիայում և Մարզվանում հեղինակած 13 բերթվածները ամփոփեց «Բաբախումներ» խորագրով աշակերտական տետրում և հանձնեց հայերենի ուսուցիչ Հրանտ Ասատուրի դատաստանին, նույն տարվա մարտից սկսեց Կ. Պոլսի պարբերականներում սուպրել իր չափածո անդրանիկ ստեղծագործությունները։ «Հիվանդ, հանձարեղ պատանին» հեռացավ դպրոցից, բայց ոչ գրականությունից։ Սկսվեց նրա ստեղծագործության կարճատև, բայց բեղմնավոր շրջանը։

* * *

Մենք հետևեցինք Միսաք Մեծարենցի ուսումնառությանը Բինկյանի Մեսրոպյան, Սեբաստիայի Սահակյան (Սերայտարյանի), Մարզվանի Անատոլիա և Ղալաթիայի Կեդրոնական վարժարաններում։ Ճշմարիտ է, այլուայլ սյուսնառներով նրան չհաջողվեց ավարտել այդ հաստատություններից և ոչ մեկը, սակայն սրանցից յուրաքանչյուրը, լինելով Մեծարենցի կենսագրության մի զրկագր, յուրովի, այս կամ այն չափով դարգացրել է նրա իմացական կարողությունները, ընդլայնել մտահորիզոնը և, վերջին հաշվով, նպաստել բանաստեղծական մեծ տաղանդի հասունացմանը։

32 ԳԱԲ, Թ. Աղապալանի ֆոնդ, հավելված, N 56: ՀՍՍՀ պետական պատկերասրահի Թ. Շիշմանյանի արխիվում պահվում է բանաստեղծի ռուս տաղերն թարգմանված «Ազն. <ի>» պր. Բալախյել Նիշմանյանի՝ Մեծարենցին» մատչեցրո թյամբ։

33 Նույն տեղում։

ГОДЫ УЧЕБЫ МИСАКА МЕЦАРЕНЦА

Доктор филол. наук А. С. ШАРУРЯН

(Резюме)

В биографии классика новой армянской литературы Мисака Мецаренца (1886—1908) менее всего исследован период его учебы. В статье на основе новых архивных материалов, воспоминаний школьных друзей и близких Мецаренца прослеживается этот период, уточняются отдельные факты, рассказывается об общественной деятельности Мецаренца, о его интересах; показано, что его первые поэтические опыты относятся к школьным годам.